

Die Wittenbergisch Nachtigall
Die man yetz höret überall.



Ich sage euch/wa dise schweygē/so werde die steyn schreyen Luce 19.

Allen liebhabern Ewangeliſcher warhayt/
Wünſch ich Johannes Sachs/Schüchmacher
gnad vñ fryd in Chriſto Jeſu vnſerm herren

IR auſſerwölden in Chriſto/ aller menigklich iſt vnuer-
borgen/in teütiſcher nation/wie die Chriſtlich gemayn/
etwan lang her/vil jar/durch menſchē leer etlicher Sophiſtē
abgefürt iſt worden/von der warhaſſten freyhait des hailigē
Ewangeliū/vnder das ſchwär joch des Römischē Biſchofs
wölcher vns vberladen hat/mit vil gebotten vnd geſetzen/vō
wöllichen vns doch Chriſtus vnſer ayniger leermayſter nicht
gebotten noch geleert hat/ſonder ſolch menſchliche tradition
verworffen/wan er ſpricht Matth. xv. Vergebens dienē ſy mir
in menſchen geſetzen/vñ kürzlich hernach/ alle pflanzūg die
got mein hymliſcher vater nit gepflāzet hat/wirt außgereüt
lat ſy faren die blinden/blindē layter/vnd ſolcher ſprüch ſeind
vil im Ewangeli/wider die menſchē fünd vñ gebot/aber wir
als verirrite ſchäflein/ſolcher haylſamen leer vnbedacht/vnd
ſchier ganz vergeſſen / ſeynd gangen vnder dem Römischen
joch/mit ſchwerer müe vnd groſſen ſchaden/ye lenger ye mer
vñ hond dardurch das ſenfft joch Chriſti verlaſſen/wölches
vns Chriſtus vnſer ſāligmacher beuolhen hat/dz iſt der aynig
gelaub in Chriſto/wölches iſt dz ainig götlich werck/ als chri-
ſtus ſagt Johan. 6. Zum andern iſt bey vns vndergangen/die
fruchtbar lieb des nächſten/in wölcher doch allain ſtāt die er-
füllūg des gebot gottes/vñ der prophetē/wie Chriſtus ſpricht
Matth. 7. Also ſey wir allain peyniget gewest in den wercken
die gott nye gehayſſen noch gebotten hat/ ſonder die menſchē
erdicht vnd erfunden haben. Nach dem aber vorgemelt Rō-
miſch böß regiment/ſo gar über hand genōmen/ da hat ange-
fangen zū ſchreyben Doctor Martinus Luther/wider vil irra-
tumb vnd myſbreūch des gayſtlichē regimēts/vnangeſehen
ainicher perſon/vñ das haylig Ewangeliū/ das wort Gottes
(wölches vor durch menſchen leer verdunckelt war) widerüb-
klar vnuermiſcht an den tag gegeben/ deſhalbē vō dem Rō-

mischen Bischof offtzü widerrieffen gedungen ist worden/ye
doch ist er allmal/ als ain vnüberwundner (mit hay. schrifft)
vor bekanter warhait/ vnwiderriefft beliben/ desgleichē habē
sich vil Doctores gegē jm mit schreybē eingelegt/ yedoch auch
nichts außgericht/ wann die götlich warhait/ ist in zū starck
gewest/ sonder seind syglos an jm worden/ deshalb ist egemel
ter Doctor Martinus Luther in grossen beruff kommen/ gen
allermenigklich/ vnd sein leer angenōmen/ als Ewangeliſch
Christlich vñ güt. Nachmals aber ist der Rōmisch hauf ver
zweyfelt/ an der überwindung/ mit disputieren vnd schreyben
vñ wōllen die Christlich gemayn/ vnder dem Rōmischē joch
behalten/ mit schmähen/ lestern/ bannē/ verbieten/ verfolgen
verbrennen/ begwältigen/ wōlche weyß doch ain böß ansehē
hat/ vnd argt wenig ist/ vngerechter sach. Nun von disen an
gezaygten stucken allen/ will ich in ainer sum/ ain kurze erkle
rung thon/ dem gemaynē man (solcher handlung vnwissent)
zū vnderweyſen vñ leeren/ darauff er müg erkennē die götlich
warhait/ vnd dargegen die menschlichen lügen/ darin wir ge
wandert haben. Zum andern den/ so die götlich warhait vor
erkant habē/ die zū ermanē/ der gütige genad gottes/ der vns
so reychlichen mitgetaylt hatt/ die offenbarung des hayligen
Euangeliūs/ in disen letzten gederlichen zeyten/ auff das sy jm
herlich dancksagen. Zum dritten/ den/ die solches wort gotes
mit annemen/ sonder verachten/ vnd zum taylor verfolgen/ ob sy
der barmherzig got auch erleuchtet/ das sy annemen dz trost
lich Euangeliū/ vnd abliessen vō dem falschen vertrauen/ zū
erlangen die sältigkeit/ mit iren selb erdichten wercken/ in wōl
chen got kain gefallen hat/ vñ liessen die eer der sältigmachūg
allain Christo vnserm herzen/ wōlches vō gott vns geben ist/
zür weyßhait vñ zur gerechtigkeit/ vñ zur hayligung/ vnd er
lösung/ Wie Paulus. 1. Corinth. 1. beschreybt. Auff das also
wir semplich mit ainander anhiengen dem ewigen aynigen
wort gottes vnuermischt/ vnd also wir ain schaff stall würdē
vnser hyrten Jesu Christ des lebendigen gottes sun/ von yetz
an in ewigkeit/ Amen.

Wacht auff es nahent gen dem tag
Ich hör singen im grünen hag
Ein wunnigkliche Nachtigall
Ir stym durchklinget berg vnd tall
Die nacht naygt sich gen Occident
Der tag get auff von Orient
Die rotprünstige morgen rōdt
Her durch die trüben wolcken gōt
Darauff die liechte Sun thūt blicken
Des Mones scheyn thūt sy verdrücken
Der ist yetz worden blaych vnd finster
Der vor mit seynem falschen glünster
Die ganzen herd schaff hat geblendt
Das sy sich haben abgewendt
Von irem hyrten vnd der wayd
Vnd haben sy verlassen bayd
Synd gangen nach des Mones scheyn
In die wildnuß den holzweg ein
Haben gehört des löwen stym
Vnd seynd auch nach genolget im
Der sy gefüert hat mit lüste
Ganz weyt abwegs dieß in die wüste
Da habens jr süeß wayd verloren
Hond gessen vnkraut dystel doren
Auch legt in der löw strick verborgen
Darein die schaff fülen mit sorgen
Das sy der löw dann fand verstricket
Zeriß er sy/ darnach verschlicket
Zu solcher hüt haben geholffe
Ein ganzer hauff reyßender wolffe
Haben die ellend herd besessen
Mit scheren/ melcken/ schinden/ fressen
Auch lagen vil schlangen im gras
Sogen die schaff on vnderlaß
Durch all gelyd biß auff das marck

Des wurden die schaff dürr vnd arck
Durch auß vnd auß die lange nacht
Vnd seynd auch aller erst erwacht
So die Nachtigall so hell synget
Vnd des tages gelentz herdinget
Der den löwen zütinnen geyt
Die wolff vnd auch jr falsche weyd
Des ist der grymmig löw erwacht
Er lüet vnd ist vngeschlacht
Ober der Nachtigall gesang
Das sy meldt der sunnen auffgang
Davon seyn künig reych entnimpt
Des ist der grymmig löw ergrympt
Stelt der Nachtigall nach dem leben
Mit list / vor jr / hynden vnd neben
Aber jr kan er nicht ergreyffen
Im hag kan sy sich wol verschleyffen
Vnd singet frölich für vnd für
Nun hat der löw vil wilder thür
Die wider die Nachtigall blecken
Waldtesel / schwein / böck / katz vñ schnecke
Aber jr heülen ist als fell
Die Nachtigall singt in zu hell
Vnd thüt sy all niderlegen
Auch thüt das schlangen gſicht sich regen
Es wisfelt ser vnd wider sicht
Vnd fürchtet ser des tages liecht
In will entgon die ellend herdt
Daruon sy sich haben genert
Die lange nacht vnd wolgemest
Loben der löw sey noch der best
Sein wayd die sey sües vnde güt
Wünschen der Nachtigall die glüt
Des gleichen die frösch auch quacken
Hyn vnd wider in jren lacken

Ober der Nachtigall gedeen
 Wann jr wasser will in entgeen
 Die wildt genß schreyen auch gagag
 Wider den hellen liechten tag
 Vnd schreyen in gemayne all
 Was singet neüws die Nachtigall
 Verkündet vns des tages wunne
 Sam macht allain fruchtbar die sunne
 Vnd verachtet des Mones glest
 Sy schwyg wol still in jrem nest
 Macht kein auffrür vnder den schaffern
 Man solte sy mit fewer straffen
 Doch ist dis mordtgschray als vmb sunst
 Es leuchtet her des tages brunst
 Vnd singt die Nachtigal so klar
 Vnd seer vil schaff an diser schar
 Keren wider auß diser wildte
 Zü jrer wayd vnd hyrten mildte
 Etlich melden den tag mit schall
 Inn maß recht wie die Nachtigall
 Gen den die wolff jr zen thün blecken
 Jagen sy ein die doren hecken
 Vnd marteren sy biß auff das blüt
 Vnd dröwen in bey fewers glüt
 Sy sollen von dem tage schweygen
 So thünd sy in die Sonnen zeygen
 Den scheyn nyemandt verbergen kan
 Nun das jr klärer mügt verstan
 Wer die lieplich Nachtigall sey
 Die vns den liechten tag auß schrey
 Ist Doctor Martinus Luther
 Zü Wittenberg Augustiner
 Der vns auffwecket von der nacht
 Daren der Monchein vns hat bracht
 Der Monchein deit die menschen lere

Wer die nach
 tigall sey.

Wer die schaf
 seynd.

Wer der mon
 cheyn sey.

Der Sophisten hin vnde here
Innerhalb der vierhundert jaren
Die seynd nach irer vernunfft gefaren
Vnd hond vns abgefüret ver
Von der Ewangelischen ler
Vnseres hyrten Ihesu Chust
Hynzü dem löwen in die wüß
Der löw wirt der Bapst genent
Die wüß das gaystlich Regiment
Darinn er vns hat weyt verfür
Auff menschen fünd als man yetz spürt
Damit er vns gewaydnet hat
Deit den gots dienst der yetzund gat
In vollem schwancf auff ganzer erden
Mit Mönich Nonnen Pfaffen werden
Mit kütten tragen/kopff bescheren
Tag vnd nacht in kirchen pleren
Messen/Prim/Tertz/Vesper/Complet
Mit wachen vasten langen bet
Mit gerten haben Creutzweyß ligen
Mit knyen naygen bucken bygen
Mit glocken leütten orgel schlagen
Mit hayltum/kertzen/fanen tragen
Mit reüchern vnd mit glocken tauffen
Mit lampen schiren gnad verkauffen
Mit kirchen/wachs/saltz/wasser weyen
Vnd des gleychen auch die leyen
Mit opffern vnd die liechtlein brinnen
Mit walfart vnd den haylgen dienen
Den abent vasten den tag feyren
Vnd beychten nach der alten leyren
Mit brüderschafft vnd Rosentrenzen
Mit ablaß lesen kirchen schwengzen
Mit Pacem küssen hayltumb schawen
Mit mess styfften vnd kirchen bawen

Das irgeen
der scheslein

Wer der Leo
sey.
Was die wüß
ste sey.
Was die way
de sey der irz
renden schaff

Wie der gleiß
ner im tempel

Es sagt vnser
Gardion
auch es seye
war.

Matthei. xv.

was die mort
strick seynd.

Das vns Christus
hayst nemen
zu vergebung
vnsrer
sündt.

Matthei. xxvj

Das hat vns
Christus frey
gelassen.

Matthei. xv.

Dis gebot hat
Pau. verkünt

Mit grossem kost die altar zieren
Tafel auff die welschen manieren
Samata messgewand kölich gulden
Mit monstranzen sylberen bilden
In Clöster schaffen rent vnd zynst
Dis alles hayst der Bapst gots dinst
Sprucht man verdient damit den hymel
Vnd löst mit ab der sünden schimel
Ist doch als in der schrift vngründ
Kytel gedicht vnd menschen sündt
Darinn gott kain gefallen hat
Matthei am fünffzehenden stat
Vergebenlich dienen sy mir
In den menschen gesezen jr
Auch so würt ain yegliche pflanz
Vertilgt vnd auß gereüttet ganze
Die mein vatter mit pflanzet hat
Hör zu du ganz gaystlicher stat
Wa bleybst mit dein erdichten wercken
Nun lat vns auff die mortstrick mercken
Bedeütten vns des Bapstes netz
Seyn Decretal gebott gesez
Damit er die schaff Christi zwinget
Mit ban er zu der beycht vns dringet
All jar zum Sacrament zu gan
Verbeit des blüt Christi beym ban
Gebeit beym bann alle jar
Zu vasten vierzig tag fürwar
Sunst vil tag vnd vier Cottenber
Auch zu meyden flaysch vnd ayer
Zu feyren vil tag er gebeüt
Verbeit etlich tag die hochzeyt
Gefatterschafft vnd etlich gradt
Zu heyratten er verbotten hat
Münich vnd Pfaffen bey dem ban

Doch mügen sy wol hüren han
Grummen leütten jr kinder lezen
Vnd frembde Leweyber einsetzen
Vnzal hatt der Bapst solcher bott
Der doch kains hat gebotten gott
Jagt die leüt in abgrundt der hell
Zü dem Teüffel mit leyb vnd sell
Paulus hatt in gezayget an
Am vierdten zü Thimothean
Vnd spricht der Gayst saget deütlich
Das zü den letsten zeyten sich
Etlich vom glauben werden dräten
Vnd anhangen des Teüffels räten
Werden leütten die Le verbieten
Vnd etlich speyß die Got durch güetten
Beschaffen hat mit danckfagung
Ich main das sey ye klar genung
Tun lat vns schawen nach den wolffen
Die dem Bapst han darzū geholffen
Zü füren solch tyranny
Bischöff/ Probst/ Pfarrer vnd Aptrey
All Prelaten vnd Seelsorger
Die vns vor sagen menschen ler
Vnd das wort gottes vnder drucken
Kummen mit vor gemelten stücken
Vnd wann mans bey dem liecht besicht
Ist es als auff das gelt gericht
Man muß gelt geben von dem tauffen
Die fürmung muß man von in kauffen
Zü beychten muß man geben gelt
Die Mess man auch vmb gelt bestellt
Das Sacrament muß man in zallen
Hatt man hochzeyt man geyt in allen
Styrbt ains/ vmb gelt sy es besyngen
Wers nit will thün/ den thünd sy zwingen

B

i. Thimo. iij.
Das ist yetz
überal sit/ got
erbarmt.

i. Thimo. iij.

Wer die wolf
seynd.

Die Kaufman
schatz v̄ gayst
lichen.

Und solt es aynen Rock verkauffen
Also sy vns die woll auß rauffen
Und was sy lang ersymoneyen
Sy wider vmb wücher hin leyhen
Von zwaynzig guldin ain malter Koren
Jch main das hayß die schaff geschoren
Auch wie hart sy das volck maulbanden
Mit den zehenden auff den landen
Da man mit in des herzgots spilt
Wie man sy bannet vmb die gult
Und sy mit liechten thüt verschiesßen
Die armen bawren fronen miessen
Das die starcken schindt fessel seyren
Halb zeyt in dem wirtzhauß vmb leyren
Vier opffer muß man in auch reychen
Und den Meßpfenning des geleychen
Und dartzu an den feyrtagen
Lond sy Täßelein rum tragen
All Kirchweych sy nach gelt auch diehten
Ain jarmarckt mit hayltumb auffrichten
Darbey sy Ablass Bullen haben
Geltstöck lond sy in Kirchen graben
Also richt man dem armen volcke
Das hayst die schaff Christi gemolcke
Auch kommen die Stationierer
Anthomer/Valenthiner
Die sagen vil erlogner wort
Das sey geschehen hie vnd dort
Bestreychen frau vnde man
Mit ain vergulten Esels zan
Und erschinden auch gelttes krafft
Schreyben leüt in jr bänder schafft
Holen die zyns all järlich jar
Darnach kumbt ain ersame schar
Hayst man zu teütsch die Romanisten

Nota

Das Schaff
scheren.

Da muß offte
der Weyn an
stöcken erfau-
len/erfryeren/
bis meyn herz
Brobst erlau-
bet zu lesen.

Als dem sack
zu der kaynen
boden hatt.

Das Schaff
melcken.
Bawren bes
scheyffer.

Mit grossen Ablass/Bullen/Kisten
Richten auff rotte Creutz mit fannem
Vnd schreyen zü frawen vnd mannen
Legt ein/gebte eüwer hilff vnd stewer
Vnd löst die seel auß dem Segfwer
Bald der guldin im Kasten klinget
Die seel sich auff gen hymel schwinget
Wer vnrecht güthatt in seym gwalt
Dem helffen sy es ab gar baldt
Auch gebens brieff für schuld vnd peyn
Da legt man in zü gulden ein
Der schalckstrick seyn so mancherley
Das hayst mir Römisch schinderey
Fürbas mercket von den Bischöffen
Wie es zü gee an iren höffen
Mit Notari/Officiälen
Mit Citaz schreybern vnd Pedellen
An irem falsch gaystlichen recht
Wie man da schindet mayd vnd knecht
Auch wie man da züreyß die Le
Vnd nymmet gelt vnd anders mee
Vnd nöt sy auch züsam zü globen
Auch wie sy mit den leütten toben
Die man zü in jagt in der beycht
Die etwann gessen hond villeycht
Flaysch oder ayer in der vasten
Das thond sy also scharpff antasten
Als hett ainer ain mord gethan
Auch wie sy vmbgend mit dem ban
Wie sy in bschweren vnd vernewren
Auch wie das arme volck sy stewren
Auch mit dem gwild vnd dem gejaye
Thünd sy in schaden am gedrayt
Halten rawber in iren flecken
Die Rawben/mörden/stöcken/blöcken

B ij

Ablass kremer
O dz Christus
bald keme/vñ
jaget kauffer
vñ verkauffer
auß dem tēpel
Matthei. xxj.

Ain Baspport
an den Teüfel

Schaff schin
den.

Vnd der Friß
gar.

Haynz gyb r.
guldin/so bist
ledig/wilt nit
so müst Elsen
habē mit vol
lem nutz/oder
im bann seyn
Gib gelt oder
blüt.

Mer / du bist
dem Pfarzer
14. pfenning
schuldig/löst
du dich nit/so
thün wir dich
in den schwe
ren bann.

Die hyrtē hal
ten Wolff in
jren hütten/
Hyrtē vnd
mezger.

Matthēi. vii.

Marci. xij

Wer die schlä
gen seynd.

Käff jägers

Bauch hay
ligen.

Auch fieren Bischoff. Krieg mit trüg
Vergießen vil Christliches blüts
Machen ellend wittwen vnd wayesen
Dörffer verbiennen/ Stettzüraysen
Die leüt verderben/ schätzen/ bressen
Ich mayn das hayß die schaff gefressen
Christus/ solch wolff verkündet hat
Matthēi am sybenden es stat
Secht euch für/ vor falschen Propheten
Die in schaffsklaydern herein dreten
Inwendig/ reyßend wolff ers nennet
An jren früchten sy erkennenet
Marci am zwölfften erst erklereten
Spricht/ habt acht auff die schrifftgeleertē
Die gern gen in langen klaydern
Vnd lassen sich auch griessen gern
Am marckt vnd gassen was sy stan
Vnd syzen geren oben an
In schülen vnd auch ob dem essen
Den witwen sy jr herwerf fressen
Vnd wenden für lange gebeet
Darumb so werden sy/ versteet
Döster in mer verdammus fallen
O wie thüt hie Christus ab malen
Vnser gaystlichen gotloß wesen
Sam wer er yetz bey in gewesen
Darbey kennt man sy vnder augen
Die schlangen so die schäflein saugen
Seind Münch vñ nunnē der faul hauffen
Die ire gütte werck verkauffen
Vmb gelt/ keß/ ayer/ liecht vnd schmaltz
Vmb hünere/ flaysch/ weyn/ korn/ vnd saltz
Damit sy in dem vollen leben
Vnd samlen auch groß schätz darneben
Vil newer sünd sy steet erdichten

Vil bect vnd brüderschafft auffrichten
 Vil dreim gesicht vnd kindisch fet
 Das in der Bapst dann als bestet
 Nympt gelt vnd geyt ablaß darzü
 Das schreyens dan auß spat vnd frü
 Mit solcher fabel vnd abweyß
 Hond sy vns gefürt auff das eyß
 Das wir das wort gottes verliessen
 Vnd nur thetten was sy vns hießen
 Vil werck/der gott doch kayns begert
 Hond vns den glauben nye erklet
 In Christo der vns sällig macht
 Diser mangel bedeyt die nacht
 Darinn wir alle irz seind gangen
 Also hond vns die wolff vnd schlangen
 Bis in das vierdthalbhundert jar
 Behalten in jr hüt fürwar
 Vnd mit des Bapsts gewalt vmb tryben
 Bis Doctor Martin hat geschryben
 Wider der Gaystlichen myßbrauch
 Vnd widerumb auff decket auch
 Das wort gottes die haylig schrift
 Er mündtlich vnd schriftlich außrüfft
 In vier jaren bey hundert stucken
 In teütscher sprach/vnd lat sy durcken
 Das man verstec/was er thüe leren
 Will ich kurzlich ain wenig erkleren
 Gottes gesez vnd die Propheten
 Bedeytten vns die morgen röden
 Darinn zaygt Luther/das wir all
 Miterben seynd Adams fall
 In bößer begir vnd naygung
 Deshalb kein mensch dem gsetz thüt gnug
 Halt wirs schon außwendig im scheyn
 So ist doch vnser hertz vnreyn

B ij

Scilicet
 Rosentrenz/
 Psalter vnser
 frawen/Hym
 lisch hör/ Da
 luff wir dann
 hauffenweyß
 zü.

Sonder hysto
 ri/ Fabeln/vñ
 merlen.

Was die
 nacht sey

Wer vns ein
 redt/ist in des
 Bapsts bann
 Nota

Ain kurzer an
 zayg der leere
 Doctor Mar
 tini Luthers.

Was die mor
 gen rödt sey.

Und zu allen sünden genayget
 Des Moyses so klärlich anzeyget
 Nun seydt das hertz dann ist vermaylet
 Und gott nach dem hertzen vraylet
 So sey wir all kinder des zoren
 Verflucht/verdammet vnd verloren
 Wer solches im hertzen entpfindt
 Den nagen vnd beyssen sein sündt
 Mit trawren/angst/forcht/schrecken leyet
 Und erkennt seyn vnmügligkeyt
 Dann wirt der mensch demüttig ganz
 So dringet her des tages glantz
 Bedeyt das Ewangeliū
 Das zayget dem menschen Christum
 Den eingebornen Gottes Son
 Der alle ding für vns hatt thon
 Das gesetz erfüllt mit ainem gwalt
 Den fluch vertilgt/die sünd bezalt
 Und den ewigen todt überwunden
 Die hell zerstört/den teuffel bunden
 Und vns bey Gott erworben gnad
 Als Johannes gezayget hat
 Und Christum ain lamb gots verkündt
 Das hymnympt aller welte sündt
 Auch spricht Christus/Er seynit kummen
 Auff erd den gerechten vnd frummen
 Sonder den sündern er auch spricht
 Der gesund bedürff kain arztes nicht
 Auch Johannes am dritten melt
 Got hatt so lieb gehabt die welt
 Das er in gab seyn aynigen sun
 All die an in glauben thun
 Die selben sollen nit verderben
 Noch des ewigen todes sterben
 Sonder haben das ewig leben

Was der
tag sey.

i. Petri. iij.

Joannis. i.

Matthai. ix.

Luce. v.

Joannis. iij.

Auch spricht Christus am aylfften eben
Wöllicher gelaubet in mich
Der wirt mit sterben ewigklich
So nun der mensch sollich tröstlich wort
Von Ihesu Christo sagen hort
Vnd das gelaubt / vnd darauff bawt
Vnd den worten von hertzen trawt
Die im Christus hatt zü gesagt
Vnd sich on zweyffel darauff wagt
Der selb mensch new geboren hayst
Auf dem feuer vnd haylgen gayst
Vnd wirt von allen sünden rayn
Lebt in dem wort gottes allain
Von dem in auch nit reysen künde
Weder hell / Teüffel / todt noch sünde
Wer also ist im gayst verneyt
Der dient gott im gayst vnd warhayt
Das ist / das er Gott hertzlich liebt
Vnd sich im ganz vnd gar ergiebt
Zelt in für ain gnädigen Gott
In trübsall / layd / in angst vnd nott
Er sich als güts zü gott versicht
Gott geb / got nem / vnd was geschichte
Ist er willig vnd trostes vol
Vnd zweyfelt nit gott wöll im wol
Durch Ihesum Christum seynen sun
Der ist seyn fryd / rüwe / frewd vnd wun
Vnd bleybt auch seyn ayniger trost
Wem sollicher glaub ist genost
Der selbig mensch der ist schon selig
All seyne werck seyn gott gefelig
Er schlaff / er dincf / oder arbayt
Solcher gelaub sich dann außbrayt
Zü dem nächsten mit warer liebe
Das er kain menschen thüt betrübe

Joannis. xj.

Joannis. iij.

Joannis. iij.

Matthei xxv

Sonder yebt sich zu aller zeyt
In wercken der barmhertzigkeyt
Thut yederman hertzlich als guts
Aus freyer lieb sucht kaynen nutz
Mit ratten/helffen/geben/leyhen
Mit leren/straffen/schuld verzeyhen
Thut yedem/wie er selbe auch wolt
Als das jm/von jm geschehen solt
Solchs würckt in jm der haylig gayst
Also/das gesetz erfüllet hayst

Matthei vii.

Christus/Matthei am sybenden
Hie merck/das dises allain send
Die waren Christlich gütten wercke

Nota

Hie muß man aber fleysig mercke
Das sy zur sälligkeit nit dien
Die sälligkeit hatt man vorhin
Durch den glauben in Christum
Dis ist die leer kurtz in der sum
Die Luther hatt an tag gebracht
Des ist Leo der Bapst erwacht

Zwaimalhun
dert tausent/
xxxiij tausent
cccc.vñ xviij
guldin.

Dise Christli
che stucke/sü
chet 8 Bapst
zu beschützen

Botschafft/
an hertzog Fri
derichen von
Sachsen/im
xx.jare.

Vnd schmecket gar bald disen braten
Forcht jm entgiengen die Amaten
Vnd wurd jm das Bapstmonat lam
Darinn er zeucht die pfründt gen Rom
Auch würd man sein Ablass nym kauffen
Auch nyemant gen Rom walfart lauffen
Wurd nimmer künden schätzen gelt
Wurd auch nym sein ain herz der welt
Man wurd nym halten sein gebot
Sein Regiment wurd ab vnd todt
So man die rechten warhait wylt
Darumb brauchet er schwinder lyst
Hett die warhait geren verdücket
Vnd bald zu Hertzog Friderich schicket
Das er die bücher brennt mit nam

Vnd im den Luther schickt gen Kam
 Jedoch seyn Churfürstlich genad
 Christlich ob im gehalten hat
 Zu beschützen das gottes wort
 Das er dann merckt/brüsst/vnd hort
 Da dem Papst diser gryff was vel
 Schickt er nach im gen Augspurg schnell
 Der Cardinal bot im zu schweygen
 Vnd kund im doch mit geschafft nit zeygē
 Klärlich das Luther het geirrt
 Da dem Papst dis auch nit gieng für
 Thet er den Luther in den ban
 Vnd alle die im hiengen an
 On all verhö./schafft vnd probier
 Doch schryb Luther nur für vnd für
 Vnd ließ sich dise bull nit irren
 Da thet in der Kayser citieren
 Auff den Keychstag hinab gen wurms
 Da erlydt Luther vil des sturms
 Kurz umb er solt nun Reuocieren
 Vnd wolt doch nyemant disputieren
 Mit im/ vnd in zum keger machen
 Des blyb er bestendig in seyn sachen
 Vnd gar kain wort nit wider rüsst
 Wann es war ye all seyn geschafft
 Ewangelisch Apostolisch
 Des schied er ab frölich vnd frisch
 Vnd ließ sich kain mandat abschrecken
 Das wilde schwein deüt Doctor Ecken
 Der vor zu leyptzig wider in facht
 Vnd vil grober Sew daruon bracht
 Der Bock bedeütet den Emser
 Der ist aller Nummen tröster
 So bedeütet die Katz den Murner
 Des Papstes mauser/ wachter/ turner
 Der Waldtesel den Parfüsser

Handlung zu
 Augspurg im
 xix. jar.

Verbannung
 Doctor Mar-
 tini Lutthers
 in dem xx. jar.

Handlung zu
 Wurms in de
 xxi. jar.

Wer das wild
 Schweyn sey
 Wer der bock
 sey.
 Wer die Katz
 sey.
 Wer d Wald
 esel sey.

Wer der
Schneck
sey.

Das Türcken
Regimēt hat
lang gewerdt
ist darū nit
auf gott.

Ain außbindi
ge Münchs
Predig.

Wem es nott
sey / Rewspen
sich.
Oder vileicht
vnserem Clo-
ster.

Ain mess vñ
xij. Pfenning
Der pfaff der
laß / was im
gebracht / die
Bawren wol-
ten nymmer
mer opfferen.

Zu leyphzig den groben Iesumayster
So deüt der Schneck den Coelenn
Die fünff vnd sunst vil in der sum
Hond lang wider Lutherum geschriben
Die hatt er alle von im tryben
Wann jr schreyben het kainen grund
Nur auff langer gewonhait stund
Vnd kuntē nichts mit schrift probieren
So thet Luther stāts schrifft emfūren
Das es ain pawer mercken mecht
Das Luthers leer sey gūt vnd recht
Des wurden sygloß vnd vnynnig
Nun die schlangen Tunnen vnd Mūnich
Wollen jr menschen sünd verteyding
Vnd schreyen laut an jren peding
Luther sagts Ewangelium
Hat er auch brieff vnd sygel drum
Das Ewangelium war sey
Luther richt auff new ketzerey
O liebs volck last euch nit verführen
Die Rōmisch kirch die kan nit yrien
Thūt gūtē werck halt Bāpstlich bots
Styfft vnd opffert es gefelt gott
Lat mess lesen es kumpt zū stow
Den armen seelen in dem fegfow
Dient den hayligen vnd rufft sy an
Thūt fleysig gen vesper vnd Complet gan
Die zeyt ist kurz ain yedes mercke
Macht euch taylhafftig vnser wercke
Wir singen schreyen oft mit krafft
So jr dahaymen ligt vnd schlafft
Des waren gots dienst thünd sy schweyge
Tanzē nach jrer alten geygen
Vnd thünd sich schmaichlen vmb die leyen
Jr weyn keller will in verseyhen
Jr koren boden werden ler

Man will in nymmer tragen her
Haben doch willig armüt globt
Regt sich man wie jr haußen dobt
So in abget in jren kuchen
Wie sy den Luther schmähē/fluchen
Ein erzkerzer/schalck vnd bößwicht
Geyt sich doch Eainer an das liecht
Thünd nur vnder den hütlein stechen
Schreyen sam wöllen sy zübrechen
wa sy bey jren Tunnen sitzen
Vnd machen auch das sy erhitzen
Wider das Ewangeliū
Wie man yetz spüret vmb vnd vmb
Die frösch quacken in jren hülen
Bedeütten etlich hohe schülen
Die auch wider Lutherum bleren
Vnd das on alle gschrifft bewerren
Das Ewangeli thüt in wee
Jr haydnisch kunst gilt mit als E
Damit all Doctor seynd gelert
Die vns die geschrifft haben verkert
Mit jrer Haydnischen kunst
Auch tragen dem Luther vngunst
Die Wildtgens deütten vns die leyen
Die in verflüchen vnd verspeyen
Was will der Mönich newes leeren
Vnd die ganz Chustenhait verkeren
Vnser güt werck thüt er verhienen
Will man soll den haylgen mit dienen
Zü gott allain sollen wir gelffen
Kain creatur müg vns gehelffen
Vnser walfart er auch abstelt
Von vasten/seyrn er nit vil helt
Wie wirs lang hond gehabt im brauch
Des gleych von Kirchen stifften auch
Die orden hayst er menschen fünd

C ij

Wer die frösch
seynd.

Exemplum
Paris vñ Lō
uen / Scilicet
Aristotiles /
Plato / Virgi
lius.

Wer die Wil
degens seynd

Christus
spricht Kom
ment zü mir/
ich will euch
erquickē.
Matthei . xj.
Scdm ordinē
Romanorum
als dann war
ist.

Scilicet
Thomas Sco-
tus / Alexan-
der de ales.

Im alten ges-
lauben bleybē

Was der son-
nen auffgang
sey.

Auch schreybt Luther es sey kein sünd
Dann was vns hab verbotten got
Veracht damit des Papssts gebot
Römischen ablass auch veracht
Spricht Christus hab vns sällig gmacht
Wer das gelaubt vnd der hab gnüg
Ich main der Münch / sey nit klüg
Denckt nit / es seyn vor leüt gewesen
Die auch haben die schrifft gelesen
Vnser öltern die vor vns waren
Seynd ye auch nye gewesen narren
Die sollich ding vns hon gelert
Hatt etlich hundert jar gewert
Solten die alle hon geirret
Vnd vns mit sambt in hon verführet
Das wöll got nit / das willich treyben
Vnd in mayn alten glauben bleyben
Luther schreybt selzam abenthewr
Man solt in werffen in ain feuer
In vnd all seyn anhang vertreyben
Dis hört man vil von alten weyben
Vonzopffnummen vnd alten mannen
Die das Ewangely anzammen
Verachten es in dollem synnt
Vnd stät doch vnser hayl darinn
Doch hilfft als wider bellen nicht
Die warhait ist kummen anß liecht
Deshalb die Christen wider keren
Zu den Ewangelifchen leren
Vnseres herren Ihesu Christ
Der vnser all erlöser ist
Des glaub allain vns sällig macht
Des seynd all menschen sünd veracht
Vnd Papsstliche gebot vernicht
Für lügen vnd menschen gedicht
Vnd hangen nur an gottes wort

Das man yetz hört an manchem ort
Von manchem Chriſtenlichen man
Nun nemmen ſich die Biſchoff an
Mit ſampt etlich weltlichen Fürſten
Die auch nach Chriſten blüt iſt dürſten
Laffen ſollich prediger fahen
In gefencknuß vnd eyſen ſchlahen
Vnd ſy zü widerriſſen dungen
In auch ain lyed vom fewr ſingen
Das ſy möchten an Gott verzagen
Das hayſt die ſchaff in thecken jagen
Der thüt man vil haynlich verlieren
So ſy gleych jr leer probieren
Ains tayls bleybens in eyſen band
Ains tayls verjagt man auß dem land
Luthers geſchriſt man auch verbrende
Vnd verbeit an manchem end
Bey leyb vnd güt vnd bey dem kopff
Wen man ergreyſt der leſt den ſchopff
Oder jagt in von weyb vnd kynd
Das iſt des Endtchriſts hoffgeſynd
Chriſtus das alles verkündet hat
Matthei am zehenden es ſtat
Nembt war ich ſend euch wie die ſchaffe
Mitten vnder der wolffe hauffe
Darumb ſeyt wie die ſchlangen klug
Vnd wie die tauben on betrug
Vnd hüt euch vor den menschen ſye
Werem euch vberantworten ye
Für ire Rathewſer vnd den
Vnd werden euch geyſelen in jren ſchülen
Vnd werden euch für Fürſten Künge
Vmb mein willen gefangen bringe
Dann ſorgt nichts waß jr reden wölt
Es wirt euch geben was jr ſölt
Reden durch eweres vatters gayſt

Gott ſey lob
Der ſeynd on
zal vil.

Rat wer ſind
die.

Ja lieber / Ja
großs Herren
achten haylis
ger ſchriſten
aber nit.

Owe ſchweig
des iſt zü vil.
Matthei / r.

Joannis. xv.

Ain freünd gem andern wirt erbayst
Vnd im den todt an helffen than
Ir werdt verhaßt von yederman
Vmb willen meynes namens haylig
Wer an das end verhart wirt sällig
Veruolgt man euch von ayner stat
So ziehen in ain andre drat
Auch kumpt die zeyt vnd wer euch tödt
Wirdt maynen er dien damit got
Fürcht die nit/die euch den leyb tödten
Der seel können sy nit genötten
Ir Chusten merckt die trostling wort
So man euch fächt hie oder dort
Lat euch kein Tyranny abtreiben
Thüt bey dem wort gottes beleyben

Genesis. i.

Verlassen ee leyb vnde güt
Es wirdt noch schreyen Abels blüt
Vber Chayn am Jungsten tag
Lat morden was nur morden mag
Es wirdt doch kommen an das end
Des waren Endtchrists Regiment

Apocali. xviij

Apocalipsis stat es hell
Am achtzehenden Capitell
Schreyt der Engel mit lauttem schallen
Zwaymal Babilon ist gefallen
Ain behawung der Teuffel woren
Wann von dem weyn des grymmen zoren
Ir vnkeüsch hond all Hayden druncken
In irer vnkeüsch seynd versuncken
Künig vnd Fürsten diser erden
Auch ire Kaufleüt ganz reych werden
Handthieren mit der menschen selen
Darnach weyter thüt er erzelen
Vnd ain andre stym hört ich schier
Mein liebes volck geth auß von jer
Wann jr sünd ist für gott auff kommen

Der Churtisa
ne mit sampt
dem Römischen
hoffges
synd.

Der Römisch
anhang.

Kadt wer die
Kaufleüt seyn.

Der hat jrs freuels war genommen
Zalt sy wie sy euch hat bezalt
Vnd wider geltet jr zwysfalt
Wann sy spricht ye in jrem hertzen
Ich syz ain Königin on schmerzen
Vnd ist sicher in jrem duncken
Vnd von der hayligen blüt ganz duncken
Darumb so weren jre plag
Züsam kommen auff ainen tag
Der todt leyt hungers alles ant
Vnd mit fewer wirt sy verprant
Dann warlich starck ist got der her
Der sy wirt richten nun hört mer
Daniel an dem neündten melt
Vnd alle warzaychen erzelt
Das man gang klärlich mag verston
Das Bapstumb deit das Babilon
Von den Johannes hat geseyt
Darumb jr Chusten wüe jr seyt
Kert wider auß des Bapstes wüste
Zü vnserem herren Ihesu Chriсте
Der selbig ist ain gütter hürt
Hat seyn lieb mit dem todt probyr
Durch den wir alle seyn erlöst
Der ist vnser ayniger trost
Vnd vnser aynige hoffnung
Gerechtigkeit vnd sälligung
All die glauben in seynen namen
Wer das beger der spreche Amen.

Wir seind des
Römischen
Reichs erb de
sen. et re. iij. c.
pastoralis.

Danielis. ij.

Treybt auß
menschen ge
bot auß ewre
gewyssen.

Joannis. v.

Pau .i. Cor. i.

Joannis. i.

Christus amator.
Papa peccator.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

85-16.7h

R 92/23.29



R

JHM
1989/6

Otto Harranowitz Kul. 328

No 876

18. Jan. 1915.

Kurz 996

W. St. 10 II. 7. 175.

Offen drück von Johannes Bartsch

1522

Non Mörsem 1522 und 1523

VD 16 5 645 ?

